

**DIE XXIII. MAJI.**

**Apparitionis S. Jacobi Apost.  
et Hispaniæ Patroni.**

**Duplex.**

**Ad Vesperas, Añæ de Laudibus. Ps. Dixit Dóminus, cum reliquis ut in j. Vesperis Apost. (1)**

**Capitulum et Hymnus de Laudibus.**

**ŷ.** Constitues eos príncipes super omnem terram. **ŕ.** Mémores erunt nóminis tui, Dómine.

**Ad Magnificat, Aña.** Visitávit nos per sanctum suum Apóstolum, et fecit salútem de inimícis nostris Dóminus Deus noster.

**Oratio ut ad Laudes.**

**AD MATUTINUM.**

**Invitatorium.** Christum Regem triumphántem in terris, \* Veníte adorémus. **Ps.** Veníte exsultémus. 31.

**Hymnus.**

**J**ACOBUM célebret fortis Ibéria,  
Jacóbum méritis tollat honó-  
ribus,

Per quem, barbárici néscia fœ-  
deris

Victrix imperat hóstibus.

**V**ectígal trúcibus péndere flébile  
Urgétur dómimis imperiósius ;  
Centenásque lupis sponte rapá-  
cibus

Lectas sistere vírgines.

**A**versáta nefas, arma ferócior  
Pocit : mox Arabem, fida Ramí-  
rio,

It contra : número sed nimis ím-  
pari

Virtus cédere cógitur.

**Q**uid speráre datur ! Prómícat  
æthere

Proles horrífici clara tonítroi,  
Lunatásque ácies, ágmina bár-  
bara

Sacro lúmine dísjicit.

**A**rdens in médios fertur acínaces,  
Instátque attónitis, úndique pá-  
vidos

Maurórum cúneos rumpit, et ín-  
tegra

Victor próterit ágmina.



12 Die xxij. Maji. Apparitionis S. Jacobi.

Esto exercituum non superabili  
Ductori, ac Domino, jugis honor  
Patri,

Cum Prole unigena, almóque  
Pneumate,

Per labentia sæcula. Amen.

Añæ, Psalmi et *xxv.* de Commu-  
ni Apost. (9)

In primo Nocturno.

De libro secundo Machabæorum.

Lectio j. Cap. 11.

**L**YSIAS, procurator regis, et pro-  
pinqus, ac negotiorum præ-  
positus, graviter ferens de his,  
quæ acciderant, congregatis octo-  
ginta millibus, et equitatu uni-  
verso, veniebat adversus Judæos,  
existimans se civitatem quidem  
captam gentibus habitaculum fa-  
cturum, templum vero in pecu-  
niæ quæstum, sicut cætera delé-  
bra gentium, habiturum, et per  
singulos annos venale sacerdo-  
tium, nusquam recogitans Dei  
potestatem, sed mente effræná-  
tus, in multitudine peditum, et

Die xxij. Maji. Apparitionis S. Jacobi. 13

in millibus equitum, et in octo-  
ginta elephantis confidebat. In-  
gressus autem Judæam, et ap-  
propians Bethsuræ, quæ erat in  
angusto loco, ab Jerosolyma in-  
tervallo quinque stadiorum, illud  
præsidium expugnabat.

*R.* Procedens Jesus juxta mare  
Galilææ, vidit duos fratres Jacó-  
bum Zebedæi, et Joánnem fra-  
trem ejus in navi, \* Et vocavit  
eos: qui statim, relictis rétibus  
et patre, secuti sunt Dominum.

*V.* Erant Jacóbus et Joánnes fra-  
tres in navi cum Zebedæo patre  
eorum, reficientes rétia sua. Et.

Lectio ij.

**U**T autem Machabæus, et qui  
cum eo erant, cognoverunt  
expugnari præsidia, cum fletu et  
lácrymis rogabant Dominum, et  
omnis turba simul, ut bonum  
Angelum mitteret ad salutem  
Israel. Et ipse primus Macha-  
bæus, sumptis armis, cæteros ad-  
hortatus est simul secum pericu-



lum subire, et ferre auxilium fratribus suis. Cumque pariter prompto animo procederent, Jerosolymis apparuit præcedens eos eques in veste candida, armis aureis hastam vibrans. Tunc omnes simul benedixerunt misericordem Dominum, et convaluerunt animis: non solum homines, sed et bestias ferocissimas, et muros ferreos parati penetrare.

℞. Vocavit ad se Dominus Jacobum Zebedæi, et Joannem fratrem Jacobi, et fecit ut essent secum inter duodecim, et ut mitteret eos prædicare. \* Et imposuit eis nomina Boanerges, quod est filii tonitruui. ✠. In omnem terram exivit sonus eorum, et in fines orbis terræ verba eorum. Et.

### Lectio iij.

**I**BANT igitur prompti de cælo habentes adiutorem, et miserantem super eos Dominum. Leonum autem more impetu irruen-

tes in hostes, prostraverunt ex eis undecim millia perditum, et equitum mille sexcentos: universos autem in fugam vertērunt, plures autem ex eis vulnerati nudi evaserunt. Sed et ipse Lysias turpiter fugiens evasit. Et quia non insensatus erat, secum ipse reputans, factam erga se diminutionem, et intelligens invictos esse Hebræos, omnipotentis Dei auxilio innitentes, misit ad eos, promisitque se consensus omnibus, quæ justa sunt, et regem compulsurum amicum fieri. Annuuit autem Machabæus precibus Lysiae, in omnibus utilitati consulens.

℞. Cum venisset Jesus in domum principis synagogæ, \* Non permisit intrare secum quemquam nisi Petrum, et Jacobum, et Joannem, et patrem et matrem puellæ. ✠. Et dixit: Nolite flere, non est mortua puella, sed dormit. Non. Gloria Patri. Non.



## In secundo Nocturno.

## Lectio iv.

**I**NTER innúmera, éaque máxima beneficia, quæ beáto Jacóbo Apóstolo, ac Tutelári suo munificentíssimo accépta refert Hispania, illud imprímis memorándum, et æténa grati ánimi significatióne recoléndum est, quod ad Clavigium, Rivógiæ montem, olim obtínuit. Cum enim Sarracéni, Hispaniæ latíssime dominántes, centum nóbiles puéllas a Christiánis exigere consuevisent, eásque Abderramánus potentíssimus ipsórum rex tribúti nómine repræsentári sibi mináci legatióne flagitáret, Ranimírus, qui legiónis regnum nuper adierat, ad effróntem Mauri postulántis audáciam totus inhóruit, parátusque extrémá quæque experíri pótius, quam tantum christiánæ fidei probrum, tantam nómini Hispano labem aspérgeré : aut pati, ut christiánæ vir-

gines Mauris, id est, margarítæ porcis, innocétes agnæ vorácibus lupis traderéntur, ex tota di-ti-óne, quotquot erant armis idónei, ad signa vocávit : coactóque exercitu, quem præsules, sacer-dótes, aliique viri sacri, ut in commúni discrimine, sponte sequebántur, in Maurórum fines ultro animósus irrúpit. Abderramánus contra, poténtia túmidus, repúl-sa ferox, et Ranimíri provocatióne ferócior, auctis novo de-léctu veteránis cópiis, Africa étiam in auxili-um evocáta, impigre Christiánis occúrrit.

**R.** Assúmsit Jesus Petrum, et Jacóbum, et Joánnem fratrem ejus, et duxit illos in montem excéls-um seórsum : \* Et transfigurátus est ante eos. **Y.** Et ecce apparuérunt illis Móyses et Elías cum eo loquéntes. Et.

## Lectio v.

**A**D Alvéldam, Rivógiæ óppi-dum, collátis signis, totis



utrínque víribus, et tanta contentióne depugnátum est, ut atrox, cruéntaque dimicatio diem extráxerit, ancípiti semper, et pendente victória, donec ea sub noctem in Mauros jam inclinante, Ranimirus fatigatas, et promptissimorum nece imminutas copias in proximum collem, cui Clavigio nomen est opportune subduxit. Loco pro tempore munito, et vulneratis cura adhibita, in summa rerum desperatione luctuque, omnes, ut fit, in vota et preces effusi, regem mœrore confectum, et de suorum salute sollicitum anxiumque, somnus oppressit. Dormienti objecta est species viri augustior, quam pro humano habitu, et sciscitanti quisnam esset? Sum, inquit, Jacobus Apostolus, cui a Domino Hispaniæ tutela commissa est. Ne time: mane adero, et, me duce, de circumfusa Sarracenorum multitudine illustrem victoriam

reportabis. Rex ad has voces evigilans, et nuntio lætus, præsulles, magnates, duces ad se vocat, et de re tota edoctos, ac cœlestibus promissis animatos, militum etiam animos erigere, manipulos ordinare, aciemque instruere jubet.

¶. Potestis bibere calicem quem ego bibo? aut baptismo, quo ego baptizor, baptizari? dixit Jesus Jacobo et Joanni filiis Zebedæi.

\* At illi dixerunt ei: Possumus. ¶. Calicem quidem, quem ego bibo, bibetis, et baptismo, quo ego baptizor, baptizabimini. At illi.

#### Lectio vj.

**T**UM, signo dato, Hispani e vertice montis, velut impavidi leones, aut ursi præcipites ruunt, irruuntque in Mauros, mira alacritate, magnisque vocibus sanctum Jacobum ingeminantes. Apostolus, uti erat pollicitus, equo insidens candidissimo, niveum vexillum præferens, gla-



dióque fulmíneo minax, Hispános suos anteíre, atque in hostem dúcere visus est, equóque, et ense acérrimus, Mauros furéntes stérnere ac proculcáre, pene sequéntibus Hispánis, et per attónitas jam phalánges terrórem, et stragem late spargéntibus. Deínde afflíctæ, ac lácerae illæ Hispanórum reliquiæ, cæsis septuagínta círciter Saracenórum míllibus, réliquis profligátis, jugo Máuricæ servitútis excússó, et turpíssimo vectigáli prorsus abólito, de hoste superbíssimo et paulo ante victóre, glorióse páriter, ac miraculóse triumphárunť. Rex, præsules, magnátes, duces, victórque exércitus, secúndum grátias Deo actas, univérsam Hispániám beáto Jacóbo vectigálem fecére certæ mensúre fruménti, viníque pro síngulis terræ júgeris, primitiárum more, ex voto pendéndæ. De quo exstat luculéntum Ranimíri regis diplóma, aliorúmque

étiam regum diplomátibus insértum, confirmátumque, Romanórum Pontíficum decretis roborátum, et perpétua ad hodiérnam diem observántia ratum, ac firmum. Porro victóriam ádeo mirábilem, et Hispániæ salutárem, Deo, ac beáto Jacóbo patróno suo, adscribéndam Hispánia ipsa anniversária gratitúdine, ac celebritáte profitétur.

**R.** Assúpsit Jesus Petrum, et Jacóbum, et Joánnem secum, et cœpit pavére et tædere. \* Et ait illis : Tristis est ánima mea usque ad mortem. **ŕ.** Sustinéte hic, et vigiláte mecum. Et. **Gloria Patri.** Et.

**In tertio Nocturno.**

**Léctio sancti Evangélii secúndum Matthæum.**

**Lectio vij. Cap. 20.**

**I**n illo témpore : Accéssit ad Jesum mater filiórum Zebedæi cum filiis suis, adórans et petens áliquíd ab eo. Et réliqua.



Homilia venerabilis Bedæ Presb.

**C**REDENDUM est, quod illa máxime causa, vel muliebrem matris afféctum, vel carnáles adhuc discipulórum ánimos ad hæc postulánda concitáverit, quia meminissent sermónis Dómini, cum ait : Cum séderit Filius hóminis in sede majestátis suæ, sedébitis et vos super sedes duódecim : nosséntque se inter discipulos speciálius a Dómino diligi, se speciálius cum beáto Petro cónscios sæpe factos arcanórum, quæ ignorárent cæteri, quod frequens sancti Evangélii textus indicat.

**R.** Misit Heródes rex manus, ut affligeret quosdam de Ecclésia : \* Occidit autem Jacóbum fratrem Joánnis gládio. **ŷ.** Ecce ego mitto ad vos prophétas, et sapiéntes, et scribas, et ex illis occidétis. Occidit.

**Lectio viij.**

**H**INC est enim, quod ipsis quoque, quómo modo Petro, novum

ab illo nomen impónitur : sicut ille, qui prius Simon dicebátur, per fortitúdinem, ac stabilitátem fidei impugnábilis vocábulum Petri méruit, ita et isti Boanér- ges, hoc est, filii tonítrui, vocaréntur ; quia videlicet, et vocem Patris super Dóminum in monte clarificátum una cum Petro audírent, et plura áliis discipulis mysteriórum secréta cognósce- rent.

**R.** Iste est, qui ante álios Apóstolos primus plantávit Ecclé- siam sángine suo : \* Cujus cor- pus in Gallæciam delátum, per totum orbem glória illustrátur.

**ŷ.** O sidus, o decus Hispániæ ! sancte Jacóbe Apóstole, intercé- de pro nobis ad Deum, qui te elé- git. Cujus. Glória Patri. Cujus.

**Lectio ix.**

**Q**UIA vero iidem filii Judæi promptum gerébant ánimum ad bibéndum cálicem Dómini : constat eos cum cæteris Apósto-



lis dignitatem sedium, quam quærebant, accepisse: non tamen ea distinctione qua petebant, sed ambo prius ad sinistram ejus ad tempus, ambo nunc ad dexteram ejus sedere perpetuo meruerunt. A sinistris quippe Christi sedebant, cum regendis in hac vita fidelium populis apostolico jure præsiderent, illo nimirum in regno, de quo ipse ait: Regnum Dei intra vos est. Sedent a dextris nunc in illa, quæ mortem nescit, vita, iudices mundi cum illo, utramque hanc sedem illis ipso Filio cum Patre parante.

Te Deum laudamus.

AD LAUDES,

et per Horas, Añæ.

1. Accessit ad Jesum mater filiorum Zebedæi cum filiis suis, adorans, et petens aliquid ab eo.

**Psalmi de Dominica.** 66.

2. Dic, ut sedeant hi duo filii mei, unus ad dexteram tuam, et unus ad sinistram in regno tuo.

3. Potestis bibere calicem, quem ego bibiturus sum? dicunt ei: Possumus.

4. Calicem quidem meum bibetis: sedere autem ad dexteram meam, et ad sinistram, non est meum dare vobis, sed quibus paratum est a Patre meo.

5. Quicumque voluerit inter vos major fieri, sit vester minister.

**Capitulum.** 1. Cor. 4.

**F**RATRES: Puto, quod Deus nos apóstolos novissimos ostendit, tamquam morti destinatos: quia spectaculum facti sumus mundo, et Angelis, et hominibus.

**Hymnus.**

**D**EFENSOR alme Hispániæ,  
Jacóbe vindex hóstium,  
Tonítrui quem filium  
Dei vocávit Filius.

Huc cœli ab altis sédibus  
Convérte dexter lúmina,  
Audíque læti débitas  
Grates tibi quas sólvimus.



Grates refert Hispánia  
Felix tuo quæ nómine,  
Ductúque perstat líbera,  
Vitátque gentis dédecus.

Tu, cum jacéret bárbaris  
Cedens, et impar hóstibus,  
Præsens inexpugnábile  
Robur dabas Ramírio.

Tu, bella cum nos cíngerent,  
Es visus ipso in prælio  
Equóque, et ense acérrimus  
Mauros furéntes stérnere.

Per te redéptæ vírgines  
Laudis repéndunt cántica,  
Nosque a tribúto líberi,  
Hymni tribútum péndimus.

Deo Patri sit glória,  
Ejúsque soli Fílio,  
Cum Spíritu Paráclito,  
Et nunc et omne in sæculum.

Amen.

ŷ. Annuntiavérunt ópera Dei.

℞. Et facta ejus intellexérunt.

Ad Benedictus, Aña. Mirábi-  
lem sancti Jacóbi Apóstoli hódie  
psalléntes victóriam, máximo

cum gáudio laudémus nomen Dó-  
mini.

Oratio.

DEUS, qui Hispaniárum gentem  
beáto Jacóbo Apóstolo tuo  
protegéndam misericórditer tri-  
buísti, et per eum ab imminéti  
exítio mirábiliter liberásti: con-  
céde quæsumus; ut eódem pro-  
tegente, pace perfruámur æténa.  
Per Dóminum.

Ad Tertiam.

Aña. Dic ut sédeant.

Capit. Fratres: Puto, ut supra,  
℞. br. In omnem, de Communi.

Ad Sextam.

Aña. Potéstis bíbere cálicem.

Capitulum. 1. Cor. 4.

Nos stulti propter Christum,  
vos autem prudéntes in Chri-  
sto: nos infírmi, vos autem for-  
tes: vos nóbiles, nos autem ignó-  
biles.

℞. br. Constitues.

Ad Nonam.

Aña. Quicúmque volúerit.



**Capitulum. 1. Cor. 4.**

**N**AM si decem míllia pædagogórum habeátis in Christo, sed non multos patres. Nam in Christo Jesu per Evangélium ego vos genui.

**R. br.** Nimis honoráti.

**Ad Vesperas Añæ, Capitulum et Hymnus de Laudibus. Psalmi ut in ij. Vesperis Apost. (31)**

**Ÿ.** Nimis honoráti sunt amíci tui, Deus. **R.** Nimis confortátus est principátus eórum.

**Ad Magnificat, Añæ.** O beátum Apóstolum, qui inter primos eléctus, primus ómnium Apostolórum Dómini cálicem bibere méruit! O gloriósum Hispániæ regnum tali pignore, ac Patróno munítum, per quem fecit illi magna, qui potens est! allelúia.

**DIE XXIX. MAJI.**

**S. Monicæ, Vid. (D. F. ex iv. hujus.)**

**Duplex.**

**Omnia de Comuni non Virg. (161) præter sequentia.**

**Oratio.**

**D**EUS, mœréntium consolátor, et in te sperántium salus, qui beátæ Mónica piás lácrymas in conversióne filii sui Augustíni misericórditer suscepísti: da nobis utriúsque intervéntu, peccáta nostra deploráre, et grátiae tuæ indulgéntiam inveníre. Per Dóminum.

**In j. Nocturno Lectiones de Scriptura occurrente.**

**In secundo Nocturno.**

**Lectio iv.**

**M**ONICA, sancti Augustíni dupliciter mater, quia eum et mundo, et cœlo péperit, maríto mórtuo, quem senectúte conféctum Jesu Christo conciliávit, castam et opéribus misericórdiæ exercítam viduitátem agébat: in assíduis vero ad Deum orationibus pro filio, qui in Manichæórum sectam incíderat, lácrymas effundébat: quem étiam Mediólánum secúta est: ubi ipsum frequénter